

sessionarii, movere praetenderet; extunc talis causa, coram Personali Praesentia Regiae Majestatis, habita superinde legitima evocatione, moveatur et ordine juris terminetur.

§. 2. Et, si aliqua partium in hujusmodi causa contra sese in processu juris, coram ipsa Personali Praesentia, quovis modo succubuerit, si talis causa factum juris possessionarii tangere dignoscitur; extunc talis pars, non in majori onere, quam solummodo in ducentis florenis auri convincatur.

Castra finitima amittentes Officiales, puniri debent denegatione gratiae Regiae.

A r t i c u l u s 42.

§. 2. Sunt autem hi, qui huic Regno in amissionibus castrorum notabilia damna intulerunt: Nam quondam Ladislaus Egervára, castra Thersacz et Nerehva: Franciscus Haraszthi, castrum Koszoruvár: Georgius vero Popovigh, consimiliter castrum Komothin, tempore Majestatis Regiae, amiserunt.

Officia duo tenere possunt, Palatinus, Comes Curiae et Banus Dalmatiae, Croatiae et Sclavoniae.

A r t i c u l u s 70.

Nullus Baronum, aut Nobilium Regni (secundum contenta Decreti, quondam Domini ANDREAE Regis) duas dignitates, seu officiolatus; praeter Palatinum et Judicem Curiae, ac Banum Regnorum, Dalmatiae, Croatiae et Sclavoniae; tenere possit et valeat. *)

ULADISLAI II. REGIS DECRETUM IV. ANNI 1500.

Causae appellatae, Regnorum Dalmatiae, Croatiae, Sclavoniae et Transylvaniae, coram Judice Curiae Regis et quando discutantur?

A r t i c u l u s 6.

Causae Nobilium, Regnorum Dalmatiae, Croatiae et Sclavoniae, partiumque Transylvaniae, in Curiam Regiam, per viam appellationis transmissae et deductae, coram Judice eorum Ordinario, Domino scilicet Comite et Judice Curiae Regiae Majestatis, sic determinentur; ut qualibet die Octavarum, vel brevium judiciorum, extra omnem seriem et ordinem Regesti, una causa alternatim discutiatur.

In Sclavoniae et Transylvaniae Regnis, quomodo judicia celebrentur?

A r t i c u l u s 9.

Quoniam celebrationibus Octavarum et brevium judiciorum, in Regno Sclavoniae et partibus Transylvanis, juxta formam Decreti minoris fiendae, libertati et consuetudini ejusdem Regni Sclavoniae, partibusque Transylvaniae praejudicare plane dignoscuntur.

*) Andr. II. Anni 1222. a. 30.